


Premio Cultural Playa Pabao na juffrouw Poppy



Ya ta un traduccion cu durante celebracion di "Nos Himno y Bandera" directiva di Centro di Bario Playa Pabao ta otorga su premio cultural na un persona di bario of cu ta trahando den e bario di Playa Pabao. E aña aki lo entrega e premio na juffrouw Poppy. Ken ta juffrouw Poppy. Su nomber berdadero ta Xiovanne Caciano pero tur hende ta conoce bou di e nomber di Poppy. Poppy a nace na Corsou 2 di october 1961. Poppy ta divorcia y ta mama di 2 yiu. Un mucha homber(16) y e un mucha muhe(15). Na aña 1998 Poppy a bin Aruba y a traha na Aurora Kleuterschool. Despues e la a bay Anglo Kleuterschool(2002 te cu awor) na unda e ta traha

cu e muchanan di Playa Pabao y yudanan den nan desaroyo. Na su yegada na Aruba e tabatin un tiki dificultad pa custumbra. E no tabatin famia aki. E bario di Tanki Leendert y despues Playa Pabao a aceptele y semper nan tabata cu ne. Su hobby ta volley, baila, teatro y recita poesia. Tambe e ta escritor. Juffrouw Poppy ta dirigi 2 grupo di baile. E grupo di baile di Anglo y e grupo di muchanan mas grandi "Nos Fofoti". E gruponan aki ta baila na diferente luga na Aruba y ora tin actividad na Centro di Bario Playa Pabao por conta riba nan presentacion. Juffrouw Poppy ta conta cu bo mester di hopi pasenshi pa siña e muchanan e bailenan folklore. Hip Hop nan ta siña mas lihe. Kico ta e e diferencia entre e muchanan di antes y esnan di awor??? Juffrouw Poppy ta di opinion cu nan ta gusta baseball, gusta e baile di Hip Hop of otronan mas moderno, pero nan no gusta bailenan folklorico, principal si e ta un wals of

mazurka. Cu mayornan e no sa tin problema y e ta di opinion cu nan ta mes activo cu antes y ta duna nan cooperacion 100%. Di su trabou como juffrouw na scol preparatorio e ta bisa cu e no ta streng. Si e tin su reglanan y mes-ter tene nan mes na esaki. Paso-bra den bida tur cos ta cu regla y na ta yuda e muchanan den nan desaroyo. Enfasis e ta pone riba yudanan den nan desaroyo pasobra segun su filosofia:"e no ta siña e muchanan,sino yudanan desaroya loke nan a nace cu ne. pasobra e muchanan sa hopi caba. Tambe e ta conta cu e ta pone hopi enfasis pa conta e muchanan nan historia. Sabiendo bo historia bo sa ken bo y sa bo identidad. Na Aruba juffrouw Poppy a baile cu diferente grupo. Entre otro Judith Martha, Madelene Kelly y tambe e la a traha cu John Freddy, Amy Lasten y Angelo Angela. Riba e pregunta si e muchanan di Playa Pabao ta mal mucha e ta contesta cu "no". E ta un privilegio pa traha cu e muchanan di Playa Pabao y e no tin problema cu nan y e tin un bon relacion cu nan mayor."Poppy". Di e nomber

y ken a dunele. Poppy ta hari y e ta bisa:"Wel mi mama a conta mi cu tempo mi tabata chikito mi tabata gusta baila". "Un biaha mi tabata baila y un señora a acerca mi y a puntra mi con mi yama y mi a contestele "Poppy". "Tur hende a cuminsa hari y asina nan

a sigui yama mi "Poppy". . Pues e ta un nomber cu e mes a duna su mes. Nos apuntrele si e lo bay Corsou bek e ta contesta cu na Aruba e lo muri y su amistadnan ta bisele cu e no ta Curasoleño mas pero nacionalisa Rubiano.